

الرشاد

س ۱ ۳۰ ۳ ۱ ۳ ۱ ۳ ۱

والله يهدي من يشاء الى صراط مستقيم ديني ، علمي ، ادبي ، سياسي هفته لقا مجموعة اسلاميه در
اتبعون اهدكم سبيل الرشاد

صاحب و مدير مسئول : ح . اشرف ادیب

ايتاليا

ايتاليانك تشبثات مذبحخانه سي

انكلتره راسميت

آوروپانك بيله بلكه مديكي ، اميد ايمه ديكي بر زمانده چناق قلعه بوغازينك كشادينه حكومت عثمانيه طرفدن مساعده ايديلسي ، ايتالياني صوك درجه شاشيرتدي . ايتاليا عثمانلور طرفدن بويله جسورانه وعين زمانده عاليجنابانه بر قرارك وقوع بولاچني قطعياً بلكه ميوردي . اوطن ايدييوردي كه بز بلا نهايه بوغازك مسدود قالمه سنده اصرار ايمه جكر و بومناسبتله بي طرفلرك منافع ماديه سي اضرار ايدرك آوروپا افكار عموميه سي كندی عليهزه چويرمكه ايتاليانك ترويج مقاصدينه بريول آچاجغز . حالوكه باب عالينك بونازك كشادي حقنده كي قراري ايتاليا پلانلرينك كافه سي زيروزر ايتدي . عثمانلورك شو جسارتي ، دشمني هيچه صايحه لري ، آوروپايه قارشى عظيم بر تراكت كوستر . مه لري آوروپا افكار عموميه سي حقمنزده ستايشكارانه بر وضعيت آله سوق ايتدي . بوكون بتون آوروپا متحدآ آرتق بي طرفلرك محاربه يه مداخله لري ايچون ميدانده هيچ برسبب قالماديغي ، كيمسه نك باب على اوزرينه اجراي تضيق حقنه مالك اولماديغي اقرار واعتراف ايدييور . بالعكس اجراي تضيق لازم ايسه بونكده محل حقيقيسي ايتاليا اولديغي جمله جه تسليم ايديلمكده در .

شمدى خاسرونادم دشمن عجبانه كي مذبحخانه تشبثله آتيله جقدر ؟ شو سواله قارشى خاطره ايكي احتمال كليور . فقط بونلري سويله مه دن اول شو نقطه بي تعميق ايمه لم كه ايتاليانلر طرابلس غرب ساحه سنده يعنى على العموم آفريقاي عثمانيده . هر نوع اجراي فعاليت وتشبثدن معطل وعاجز قالمشدر . اشغال ايتدكلى ساحلدرده يامش اولديقلري استحكاملر آرقه سنه چكيلوب صاقلانيورلر . ايلري يه طوغرور اديم بيله آتاميورلر . بو حال ايتاليا افكار عموميه سي صوك درجه تهيج ايتديكي كي ايتاليا حكومتنده تماماً شاشيرتمشدر . ذاتاً ايتاليانك چناق قلعه بوغازينه آتيلمه سي ، وبومناسبتله حكومات سائرهنك جناح مداخله سنه صيغينه سي شو حال يأس و نااميدينك نتيجه سي ايدى . بناء عليه ايتاليانلرك ياقين زمانلرده طرابلس غرب ساحه سنده ابراز فعاليت ايمه لرينه احتمال بيله يوقدر . اولسه اولسه بونلر بوراده تدافعي بر وضعيت آله رق كندى موقعلرينك محافظه سي ايچون بذل مساعي ايمه جكاردر . ايشته شو نقطه شويله جه تعين ايتدكدن صوكره يوقاريده عرض ايتش اولديغمز تخميناتك بياننه كالم :

اولا ايتاليانك يكيدن چناق قلعه بوغازينه آتيلمه سي خاطره كليور . فقط ظن ايمه يز كه ايتاليانلر جسارتلريني بودرجه يه وارديرسونلر . ايتاليانلر چناق قلعه يي تجربه ايتديلر . قلعه نك تقدر محكم ، غيرقابل

ضبط بر صورتده تحكيم ايدلمش اولديغي ، نه كي ارسلانلر طرفندن محافظه ايدليكيني اوكرنديلر . ايتاليا ، فيلوسنك اونده طقوزيني فدا ايتمكي كوزه الدير مادقجه بويله بر تشبثه كيريشه مز . فقط شوفدا كارلغه تحمل ايتسه نتيجه ده الده هيچ برشي ايمه ميه جكي آشكار . زيرا برايكي پيرانمش ، زده لشمش ، ذخيره ولوازماتي توكنمش ايكي اوچ حرب سفينه سي ايله استانبولك اوكنه كلسه بيله برشي يابه ميه جني بديهي در . بوندن ماعدا ايتاليا يكي دن چناق قلعه بوغازي اوزرينه آتيلير آتيلمز بوغازك بزم طرفزدن سد ايديله جكي طبيعي در . آرتق بوكا قارشى آوروپانك تقدر متضرر اولورسه اولسون ديه جك هيچ برسوزي اولاماز . بديهي در كه اوزمان آوروپانك بتون حدت وشدتى ايتاليايه طوغرور چوريلير . حتى شمديدن بيله آوروپا مطبوعاتي آراسنده كي اك مهم جريده لر بويله براحتمالك وقوعى در پيش نظر ايدرك مربوط بولندقلري حكومتلردن ايتالياني بوكي حرركات مخنونادن منع ايتك ايچون لازم كلن تشبثاتده بولنه لريني طلب ايدييورلر . ايتاليا حكومتي البته كه آوروپانك شو وضعيت واحوال روحيه سي بيليور . بناء عليه دشمنك يكي دن چناق قلعه بوغازي اوزرينه هجوم ايمه جكي پكده محتمل دكلدر . ايكنجي احتمال - بحر سفيدده واقع عثمانلو جزايريني تضيق وبلكه بمضلريني اشغال وسواحل عثمانيه دن بعض مواقعي راحتسر ايتكدر . شو احتمال ، وقايع اخيره ايله كسب حقيقت ايتشدر . دشمنك حقيقتاً توسل ايمه بيله جكي باشقه بروسيله قالمامشدر . فقط بونكله ده ايتاليانك برشي قازانه ميه جني بديهي در . زيرا اكر ايتاليانك شو تشبثدن مقصدي بزي تضيق ايدرك صلحه ايسته ديكي شرائط اوزره اجبار ايتك ايسه بالطبع شو مقصدينه بونكله ده نائل اولاميه جقدر . زيرا عثمانلور ، دكل جزاير بحرسفيدك اشغالي ، دكل سواحل عثمانيه نك تضيق ، حتى استانبولك بيله بومباردمان ايدلمه سي كوز اوكنه آلارق محاربه يه دوام ايدييورلر . ايتاليا سواحل عثمانيه يه عسكراخراج ايتمينجه ، بتون قوتني بزه قارشى قوياق وبزم له نجه له شدرك ياكنديسي ويا بزمو اولمينجه بزي عقد صلحه اجبار ايدمز . فقط جبين ، آلاق دشمن بوني هيچ بر زمان ياييمه جقدر . زيرا پك رعنا بيليور كه ياپارسه محو اولاجق بز دكلز ، كنديسي در .

يوق ، اكر مقصدي جزاير بحر سفيدى كنديسنه مال ايدينه رك محافظه ايسه بوكاده نائل اولاميه جني بديهي در . زيرا شرق صولرنده كي موازنه حاضردي محافظه ايتك مسئله سنده بزم قدر ، حتى بزدن زياده سائر حكومات علاقه داردرلر ؛ از جمله مثلاً انكلتره .

انكلتره حكومتي هيچ بر زمان موازنه حاضرهنك بوزولمه سنه وبزم كي نسبتاً ضعيف بر قوت بحريه يه مالك اولان حكومتك يرينه شرق صولرنده ايتاليا كي قوي بر حكومتك قائم اولسنه روى رضا كوستردمز . بوده ايكي سببدن ايلري كلور : بريسي مادي ، صرف انكلترهنك منافع ذاتيه وحياته سنه عاندر . انكلترهنك اك بيوك واك مهم مستملكه لري آسياده در . يالكز هندستان انكلتره ايچون بر منبع

حکومتی ایچون خلافت اسلامیہ پی پکده صیقیشدیرمق الویریشلی بر ایش اولامز. دینه بیاناتده بولمیشدر. وینه بونک ایچوندرکه انکلتزه مطبوعاتی متحداً حکومتدن انکلتزه منافعتنک شرق قریبده محافظه سی ایچون تشبثات لازمهده بولمہ سنی طلب ایدیور. بعضری ایسه شو تشبثاتنک شکل و صورتی ده تعیین ایددرک زوماده اجرای تضییق ایدلمہ سنی عثمانلو صولرینک راحت بر اقلمہ سی ایچون اجرات لازمه یه هان کیریشلمہ سنی طلب ایدیورلر.

ایتالیا حکومتی البته که شو آجی وضعیتی آکلایور و تقدیر ایدیور. و آکلادیچی ایچوندرکه حکومت سائرده جزایر بحر سفیدک اشغالی حقنده بیاناتده بولنق و اشغالک موقت اولدیغنی ایضاح ایتک مجبوریتی حس ایتمشدر. حال بویله ایکن متانت و عز مزده ثابت و جریان احواله منتظر اولام...

احمد آغایف

کریه سرسی :

توضیح حقیقت

— ۱ —

المانیسا جرائد مهمه سندن «کولنشه چایتونغ» غزته سنده مندرج وقدیهدن مرسول بر مکتوب مصادف نظر عاجزی اولدی. جورجی بهروویچ پاشانک ولایت مشاورلکی اوآخرنده بر چوق تأثیرات والجات سیاسیله و منحصرأ کرید نائرہ مصائبک اطفاسی مقصدیله باب عالی طرفدن بالضرور تطبیقنه موافقت بیوریلان و «مقررات اخیر» عنوانی آلمش اولان طرز اداره جزیره نک صفحات مؤلمہ سنی بوراده موضوع بحث ایتک ایستهمیز. انجام کار مقررات مذکورده یه پک زیاده اهمیت ویردرک قبول و تطبیق ایچون باب عالی پی تشویقندن خالی قالمش اولان دولترک پک زیاده آلدانقلرینی اثبات ایتدی. عساکر عثمانیه نک ودها طوغریسی اساس اداره دولترک انفکاکنه بروسیله احضار ایدن بووقعه سیاسی ۱۸۹۸ سنه سنده جریان ایتمکده ایکن کریدده موجود نفوس اسلامیہ - مکتوبده کوسترلیدیکی کبی - یتیمش درت بیکدن عبارت دکل، رسمی بر صورتده اخذ اوانان معلومات موثوقه یه کوره «طقسان الی» بیکی متجاوز بولیوردی. مذکور مکتوبک محرری اوتاریخ مشومدن بوکونه قدر جریان ایدن وقایعی تحلیل ایدرکن بر چوق حقایق درمیان ایلورکه بوندن حصه مزه ترتب ایدن تشکری ایفا ایتک نصل بروظیفه ایسه بمض یا کاش و غرضه مستند اوله رق کندیسنه ویرلیدیکی محقق اولان معلوماتی تصحیح قضیه سی دخی اویله جه بر بورجدر.

اولا بزده محزر ایله برابر عرض ایدلم که کریدده اهالی مسلمہ ایچون اوتارینخن صوکره حقوق حیاتیہ - بر چوق مظالم واعتسافات ایله - تحدید و تضییق ایدلمش اولدیغندن ممالک سائرہ عثمانیه التجا بر

حیات و مدار معیشتدر. دولت مذکورہ نک بتون حشمت و عظمتی، بتون اقتدار و عظمتی شو مستملکه لره مالکیت سایه سنده در. ایشه بونک ایچوندرکه انکلتزه بتون دقت ووقتی شو مستملکه لره مدافعه و محافظه سنه صرف ایدیور. دیمک اولیورکه انکلتزه سیاست خارجیه سنک خط استقامتی تماماً شو مستملکه لره وضعیت و لزوم حفظی تعیین ایدیور. حالبوکه شو مستملکه لری انکلتزه یه ربط ایدن بتون یوللر عثمانلولر انده در.

شو یوللرک تأمین سلامتی ایچوندرکه انکلتزه جبل طارق، کریده، مصره، سویش قناله، آتیلدی. وینه شو یوللری و یوللر اوزرنده ضبط ایدلمش اولان نقاط مستحفظه پی مدافعه ایچوندرکه انکلتزه محتشم بردونما بسله مک مجبوریتمده در. دیمک که انکلتزه کندی منافع ذاتیه و حیاتیہ سی ایجابجه بیله هیچ بر زمان شو یوللر اوزرنده بحر آقوی و مقتدر بردولترک بولمہ سنه روی رضا کوستره مز. بالخاصه که شودولت انکلتزه نک رقیب جانی اولان آلمانیا نک متفق ایتالیا اولسون! بناء علیه ایتالیا نک جزایر بحر سفیده یرلشمہ سی بزدن زیاده انکلتزه نک منافع حیاتیہ سنی خللدار ایدر. تعیر دیگر ایله ایتالیا نک شو جزیره مالکیتی متصور بیله دکادر. بویله بر فکر ایتلیا رجالتک رؤیاسنه بیله کیره مز.

مسئله نک معنوی جهتنه کانجه؛ انکلتزه دولتی ینه عین مستملکه لره یوز میلیوندن زیاده تبعه اسلامیہ یه مالک در. شمدی یه قدر شو تبعه اسلامیہ انکلتزه نک اک صادق، وفاکار بر استنادکاهی اولارق انکلیز حاکمیتی بتون آسیاده تأمین ایتمشدر. حالبوکه عین تبعه اسلامیہ نک مقام معالی خلافت اسلامیہ ایله ده مربوطیت معنویه سی انکلتزه حکومتجه ملومدر. شو مربوطیتک درجه سی و مقداری بالخاصه طرابلس محاربه سی ایله تجلی ایتدی. کرک آفریقاده و کرک آسیاده ساکن بوقدر اقوام و طوائف اسلامیہ دقیقه بدقیقه چهار چشم ایله محاربه نک تفرعات و تفصیلاتی بکله یه رک هر آن خلیفه مسلمینک نصرت و مظفرتی ایچون رب العالمیندن تمیبات خالصانهده بولیورلر؛ بالخاصه هندوستان مسلمانلری بونلر حرب ایچون معاونت نقدیدهده بولنده قدن باشقه دفعاتله اجتماعلر، متینغلر ترتیب ایددرک حکومت متبوعه لرندن خلیفه لرینه معاونت ایدلمہ سنی تمی ایتدیلر. البته که انکلتزه حکومتی ده بوقدر میلیون تبعه سنک تمیبات و آرزولرینی نظر دقتہ آلق مجبوریتمده در. البته که حکومت مذکورہ الکی زیاده کودمکده اولدیغنی عنصر اسلامک قلبی قیرماز و تمایلات حسیاتلرینی اوخشامق ایستر. باخصوص شو تمایلات و حسیات، یوقاریده بیان ایتدیکمز وجه ایله، کندی منافع ذاتیه و ایجابات حیاتیہ سی ایله ده توافق ایدیور.

ایشته بونک ایچوندرکه انکلتزه پارلامنتوسنده وقوع بولان بر استیضاحه جواباً ارکان حکومتدن بریسی «شرق صولرنده انکلتزه منافعتنک خللدار ایدلمہ سی مسئله سی حکومتی دوشوندریور» دیمشدر. دیگری ایسه: «یوز میلیوندن زیاده تبعه اسلامیہ یه مالک اولان انکلتزه